

華東稀見叢書文獻 第十一卷

中國華東文獻叢書



中國華東文獻叢書·第二輯

華東稀見叢書文獻

第十一卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：陳長文

本卷目錄

侯官郭氏家集彙刊 二
〔民國〕郭則澧輯
.....
〇〇三

【民國】郭則澐輯

侯官郭氏家集彙刊

二


〔民國〕郭則澐輯。民國二十三年（一九三四年）侯官郭氏刻本。

郭則澐（公元一八八二至一九四六年），字蟄雲、養雲，號嘯麓。清朝禮部右侍郎郭曾炘長子。則澐曾任清朝浙江溫處道道臺、北洋政府僑務局總裁等職。該書是清朝至民國福建侯官郭柏蔭、郭式昌、郭傳昌、郭曾炘等所著詩文彙刊。二函，十五冊。書長二十九點五釐米，寬十七點四釐米；版框長十八點二釐米，寬十二點三釐米。白口，雙魚尾，四周單邊。每半頁十一行，行二十一字。

續

羽

下



自序

曩刻嚶嚶言謬爲同輩許可光陰荏苒倏忽三十餘年故我依然良用自媿惟自入官以及投老未敢一日舍墁而嬉中間人事勞如時有感發輒復筆之案頭以備思齊內省之資猶初志也甲戌歲引痾謝事就養吳興郡署檢點故篋因付所孫繕錄郵呈張翰泉觀察乞爲是正承加評騭併繫勸勉之詞於後而歸之自維老拙無似本不欲更效詭辭第念良朋期望之殷不敢以己不才概從埋沒乃復付刻并逐條附登翰翁評語以志交情或者炳燭餘明藉此稍開愚昧亦可追溯其得力之所由來云爾

光緒九年癸未柏蔭自記時年七十七歲

續廖言卷一

只眼前無艱鉅事便是清閒至於進德脩業本無歇手之期表記云俛焉日有孳孳此卽聖人所謂忘食忘憂不知老之將至也

貧賤而有諂心可恥也富貴而有驕心尤可恥雖無驕態之萌而使人以其富貴而諂事之亦可恥之一端也是故君子恭以遠恥

張云自忘其富貴猶易使人忘其富貴更難

范文正公爲秀才時卽以天下爲己任不是想做宰相只是想做人

平天下者不廢理財而財非獨在天下也國有國之財

家有家之財其理之道未嘗不本於正心脩身

張云理財本於正心脩身至論確論先生實能見到人或以爲迂矣

君子之接人也大度淵涵浩然莫測其邊際然而游夫其宇者千態萬狀無不畢呈若時時自炫其精明必有匿其眞形以相誑者矣

張云古來君子爲小人所欺正坐此病司馬溫公猶不免也

太上有立德其次有立功其次有立言非分作三等入乃就其所表見者而言之所謂君子之道或出或處或默或語也

事非經過總不能一一周知勿以局外人輕言局中人
之不是

詬責人而使之不堪雖僕隸下人有引而思去者矣其
戀戀而不去也皆其懷叵測之心者也我逞其暴彼
營其私是之謂離心離德

張云思叔詬罵僕人程子教以動心忍性可見馭下
失當亦是氣質之偏當以學問化之也

揆之於義而安任勞不敢諉任怨亦不敢辭揆之於義
而不安而悍然爲之是小人之無所忌憚者也自古
以來未有任用小人而不受其敗者

我之氣質不能無偏我所親信之人我又安能保其無

偏我所親信之人又各有其所親信之人我又安能
悉保其無偏而曰某人必不錯某人所保之人必不
錯鮮有不滋其誤者矣

張曰此等偏處賢者不免

鼻塞而復開則加靈耳塞而復開則加聰目閉而復開
則加明一闔一闢天地之化機也一弛一張帝王之
治道也

張云眼前理非靜心體會不能領悟

一人生兩子一子又分兩孫功總祖免遠族之弟兄有
不如新聯之姻婭者矣然一世而婚姻再世而郎舅
三世而中表數傳而後仍是路人則又不如同姓者

之繫而弗別綴而弗殊也是故君子篤一本之親
貴賤在人不在官職柳下惠惟不卑小官故能不以三
公易其介

屬官之以時上謁也役吏之左右趨承也非以爲我爲
我之居此官也有代我而爲此官者固當移其事我
者以事之矣其於我稍致殷勤者特人情之加厚也
因我之進退而怪人之炎涼何所見之不廣哉

操政柄而用小人其信之也必甚堅其護之也亦必甚
力時而擯斥之也亦聊以塞人言耳蹶而復興其交
乃益固耳

學者須要看得內重外輕則無入而不自得